

## Международной юношеской нунал

Международной юношеской нунал (МЮД)—со, капиталистической войналы пумит вань кун'ёсысь егит'ёслэн ог'я выступленизылэн нуналыз.

Та берло ар'ёсын МЮД сыче обстановканын ортчыл'яське, куке выль империалистической войналэн угрозыныз валче капиталистической кун'ёсысь егит'ёс тревогаен охватить каремэн. Фашистской государствоос—Германия, Италия, военнo-фашистской Япония,—т'ни мирлы угрожать карись кужым'ёс. Егит калык со сярысь тодэ, что ортчем мировой война человечестволы 10 миллион быдтэмен, 25 миллион ранить каремен но 5 миллион сосырен сыл'ыз. Егит калык тодэ, что грядущой война уката но трос ваёз нишетаез, сютэм улонэз но ужтэк кылэнэз. Испаниын ком-

мунистической, социалистической, республиканской но вань антифашистской егит калык, об'единиться кариськыса, нюр'яськонэ единой антифашистской фронтэ вклучигьса кариськиз. XXIV МЮД-лэн центральной лозунг'ёсыз капиталистической кун'ёсын—войналы но фашизмлы пумит нюр'яськись единой народной фронтэз паськытатон но зломытон лозунг'ёс, СССР-ез защищать карон лозунг.

Советской союзысь егит калык та нуналэ зарубежной егит калыкен чош демонстрировать кароз Ленинлэн—Сталинлэн партиезлэн ужезлы, социалистической строительстволы преданностьсэс, асьсэ родиназылэсь границаоссэс возьманы дасьлыксэ, кытын ке сясыкаяськиз шудо улон, полной творческой возможностьёс.

## МЮД-эз выль вормон'ёсын пумитаз

„Металлист“ артельысь комсомольской организация международной юношеской нуналэз пумитаны умой дасяськиз. Комсомольской организации 9 комсомолец'ёс пыро. Комсомолец'ёс литературае пырись программаысь „Наша родина“ темаез проработать карыса быдт'изы ни. Ваньзы

комсомолец'ёс „Ворошиловской стрелок“ значеклы нормаос сдать карызы. Али „ПВХО“ значеклы нормаос сдать каро. Комсомольской организацилэн секретарез Минин комсомолец'ёс п'лын полит-массовой ужез умой организовать карыз ке но производственной ужез герзаны өз быгаты.

## Стахановской движениез организовать кароно кутсаськоньын

Гужем сельскохозяйственной уж'ёслэн ответственной этапеныз али кутсаськон но кутсам чылкыт юэз государстволы сдать карон луэ. Отдельной колхоз'ёс сое валазы но кутсаськонэз образцово ортчыто. „Заря“ колхоз зегзэ, чабейзэ но йдызэ кутсаса быдт'из ни, жожен вань культураоссэ кутсаса быдтоз.

Озы ке но данакез сельсовет'ёслэн но колхоз'ёслэн кивалт'ясьёсы кутсаськонэн уг кивалто. „Удмурт“ но „Вукогурт“ колхоз'ёслэн председател'ёсы асьсэос кутсаськонэз жегато. Шаркан, Титово, Билиб, но Вортчино сельсовет'ёс туннэ нуналэз 20—25 процентлы гинэ кутсасы ни юэс. Чидантэм урод кивалтэ Шаркан МТС-лэн директорез Помыткин кутсаськонэн. МТС-лэн 12 сложной молотилкаос п'лысьтыз 6-ныз гинэ кутсасько. Кылем арын гужем кутсаськонэз данаказ

сельсовет'ёсын быдтэмын йй вал, толалтэлы кельтэмын вал, соин сэрэн уно юэз ышгон'ёс вал, доход люкылон жегаз. Туэ но та выль верам сельсовет'ёслэн но МТС-лэн кивалт'ясьёсы сыче практикаен ик ужало. Каждной машинист'ёс, кутсаськись агрегат'ёс дорозь графика'ёс өз вуттэна, кутсаськонэ калыкез выделит' уг каро. Кутсаськоньын стахановской движениез организовать карыны өз быгатэ. Кутсаськон машинаос полной нагрукан уг ужало.

Кутсаськонэз по большевистски организовать кароно. Стахановской движениез в'лмытыса, умой ужасьёсэ премировать карылоно. Кутсаськон машинаос нуналлы полной нагрукан 20 час ужаны кулэ. Кутсаськонэз быдтыса колхозник'ёслэн трудоденьёсылы доход люкылонэз йылпум'яно.

Иванов.



Приволжской военной округлэн лагерез политической но боевой подготовка

Суред вылын: Н-ской частьлэн подразделениезлэн командирез Киричков эш танклэн экипажезлы задание сётэ.

## Егит калыклэн великой честез

1 сентябрьысен кутске очередной призыв действительной военной службе рабочекрестьянской Красной Армилен, Военно-Морской флотлэн но НКВД-лэн войскаосызлэн рад'ёсазы—1917 но 1918 арын вордскем'ёс. Куньсытымы егит калыкы великой честез усиз—киазы оружие кутыса асьсэлэсь яратоно родиназэс возьманы. Шумпотыса мыно егит'ясь патриот'ёс асьсэлэсь гражданской обязанностисэс быдэс'яны.

Районысытымы данакез егит'ёс боевой но политической подготовкыя отличной дасьлыккен м'нозы. Призывник'ёс п'лысь 51 мурт Ворошиловской стрелок'ёс, 75 мурт „ГТО“ но 32 мурт

„ПВХО“ значек'ёс иметь каро. Уноез призывник'ёс асьсэлэсь неграмотностьсэс ликвидировать карызы ни.

Сое но верано луэ, что куд-ог призывник'ёс призывлы өз дасяське. Призывник'ёс Корепанов Аркадии, Перевозчиков Игнатий злостно асьсэлэсь трахомазэс лечить өз каре. „Красный Октябрь“ колхозысь М. Лопатин, А. Перевозчиков но П. Соболев асьсэлэсь неграмотностьсэс ликвидировать өз каре.

Егит калык уката но бадзым упорствоен военной ужез-изучить карыны кутскоз, Красной Армиылэн преданное, честное но отважной боец'ёсыныз луозы.

Хохряков.

## Достойно пумиталом призывез

Производствомь, сельской хозяйствомьсэ умоесь стахановец'ёс, ударник'ёс доблестной Красной Армилен радаз султыны дасясько. Районысытымы но уно стахановец'ёс, ударник'ёс туэ призыве м'нозы.

Мон, „Заря“ колхозысь призывник Сергей Ларионов октон-калтонын выль ужазинлык'ёсын 7 сентябре 1938 арын призыве мыно. Мон, Районной Исполнительной Комитет азын но партилен райкомез азын октон-калтонлэн сезон-аз 150 га параконной аран машинаен араны обязатель-

ство сёт'и. Али мон быгат'ясько ни вераны, что уженым честно исправит'ясь кариськи. Сётэм обязательствоме мон унолы перевыполнить кари, 200 гаарай. Со возьматэ м'нэсьтым ужлы честно относиться кариськемме.

Асьмелэсь кунмес но мон честно возьманы султын котьку дась. Аран машинаме любой дыре мон боевой машинаосын воштыны дась.

Мон, призыват'ясь кариськемелэсь азыло комсомоллэн радаз пыри. Со м'ным почёт но дан.

С. Ларионов.

## Егит'ёс приывез вите

Жогеь приыват'ясь кариськозы яратоно Красной Армилен радаз 1917 но 1918 аре вордскем егит'ёс. Шумпотыса мынозы егит'ёс асьмелэсь родинамес возьманы. Очередной приывез егит'ёс сельской хозяйствомь но производствомь бадзымьсь вормон'ёсын пумиталозы. Тани, районысытымы

Сосновской МТС-ысь призывник комбайнер Нинелин октон-калтонын выль показател'ёс возьмат'из. Комбайнэныз 250 га вылысь окт'из-калт'из.

Комбайнэ вылысь мон котьку но танк вылэ пуксьыны дась,—шуэ Нинелин.

Титов.

## Дышетисъёслэн районной конференциысь тызы

25 августысен 28 августозь районсытымы дышетисъёслэн районной конференцизы ортчиз. Конференциын туэ дышетскон арез ортчытон сярисъ конкретной ужпум'ёс пуктылэмын, озьы ик выль дышетскон арез пумитанлэн состояниез сярисъ уно выступлениос вал.

Нырысь ик РОНО-лэн заведующеез Шкурихин эш вераськиз.

Со шуиз: партиалэн но правительстволэн дышетисъёс пöлын аттестациез ортчытон сярисъ постановленизы асьмелы исторической постановлениен луэ. Аттестациез ортчытон уж, ужасъ масса азын эшшо но советской учительстволэсь авторитетэ выль жутэ на. Таин чөш ик учительство азын бадзьым ответственность—будисъ поколениез коммунизмо духен дöстойно воспитать каронужез пуктэмын луыны кулэ.

Кылем арын дышетон, уж неудовлетворительно пуктэмын вал,—шуэ со. Абсолютная успеваемость 80 процент гинэ вал. Неуспеваемостен юр'ясконын Сосновка но Казесс НСШ-ёслэн беспечностьсы адскиз. Казесс НСШ-ысь ньылетй классысь дышетисъёслэн 24 второгодникен кылемын. Нош районсытымы 1000 пала дышетисъ пинал'ёс классэс воштыны öз быгатэ, соос второгодник'ёс. Таçe уж чидантэм.

Асьме районсы дышетисъёслэн аттестациез кылем арын но туэ ортчизы. Отчы асьме дышетисъёслын жынйылэсь но тросэз охватить каремын ини. Аттестациез ортчытон дыр'я, тросэз умой дышетисъёсты но тырмыттэм ужасъёссэ шараяно луиз.

Кылем арын аттестациез ортчем эш'ёс пöлысь, РСФСР-ысь Наркомпрослэн постановлениеез'я, 21 дышетисъёслы аттестат вручить каремын. Соос пöлысь стажист'ёс: Перевозчикова, Никитин, Лямин, Петрова, Ларионов но Воронцов эш'ёс луо.

УАССР-ысь Наркомпрослэн представителез Игошина эш нырысь ик Перевозчикова аттестат (Шаркан школа) вручить кариз. Перевозчикова

эш аттестатэз киаз басытыкуз шуиз: та аттестатэз басытонэн чөш мон ас азиям эшшо но бадзьым ответственность пуктысько на—дышетисъ пинал'ёсы одйгез но второгодник уз луэ.

Ваньмыз ик аттестациез басытысьёс партиямы но правительстволы благодарност сето. Никитин эш (Кыква НСШ) партиялы но правительстволы дышетон ужлы но дышетисълэсь благостояниезс умоятонлы саклык вис'ямзылы понна, бадзьым благодарност сөтисъко шуэ.

Азыпалан выступлениос выльс тодмо луиз дышетисъёслэн пинал'ёсты воспитать каронлы көче относиться карисъкемызы, соослэн асьсэлэн тодонлыксы но школаослэн дышетскон арлы дасьлыксы сярисъ. Кылем дышетскон арын 188 дышетисъёс пöлысь витьснэзлэн гинэ назначениезы ужан правозы вал. Тросэз дышетисъёс методикаез ляб валало, уроке даськылытэк потало. Библи НСШ-ысь зучкылын дышетисъ кузьмин ачиз но дышетон программаз уг тоды. Кивар НСШ-ысь 100 кылын диктант дыр'я 28 ошибкаос лэстыло. Заречной Вишур школаын 100 кылы 40-лэсь но трос луылэ.

Тросэз дышетисъёслэн литератураез ожит лыдзё. Зорин (Ляльшур НСШ), Библи НСШ-ысь Караваев одйг книгаез лыдзыса, одйг арскын но öвёл быдтэм. Таклэ школайсы Русанов дышетисъ дугдылытэк юыса улэ. Со уроказ но кудзыса вуылэ.

Та нуналозь районсытымы школаос учебной годэз дасьлыкэн öз пумиталэ. (Библи, Порозово, Казесс НСШ-ос, Карсашур начальной школа), Карсашур школаэн заведующеез Семенов школаез дасян интые, дырзэ юмшаса ортчытыз.

ВКП(б) Райкомлэн секретарез Орлов но Наркомпрослэн представителез Игошина эш'ёс асьсэ выступлениязы тупен-тупен факт'ёсын верасъкызы но азыпалан дышетон ужез умоятон ласянь конкретной указаниос сөт'язы.

Ф. М. Перевозчиков.

## Государстволы сйль сөтон самотеке лэземын

Государстволы сйль сөтыны 1938 аре вручать карем обязательствоос'я колхозной товарной фермаосын 1 сентябрьозь 90 процентсэ сйль сөтыны кулэ вал ни. Озы ке но «Выль улон», «Красное знамя», «Кр. Партизан» колхоз'ёс государстволы сйль сөтонэз самотеке лэзины, планэс 40 процентлы гинэ быдэстйзы ни. Фермаосын сйль сөтонин райзоысь живсектор но бадзьым роль играть каре. Зоотехник'ёс асьсэлэсь обязательностьэссэс вунэтйзы.

Участковой зоотехник'ёс пудоосты выбраковать каронэн уг ужало. Зоотехник Вотинцев интыосын выбраковать карем пудоосты Шарканэ ваёке, нөкыче фактэк берлань колхоз'ёсы ик берыктэ. Озы ик зоотехник'ёс фермаосысь пудоосты укомплектовать каронэз вунэтйзы. Отдельной колхоз'ёслэн председател'ёсы государстволы сйль нугыны вал но адым уг вис'яло, октон-калтон дыр али шуо. Государстволы сйль сөтонэз второстепенноен лыд'яло.

## Мае, бен, тодо Мувыр сельсоветысь кивалтисъёс?

«Вукогурт» колхоз сложной кутсаськон машинае машинист öз вис'я. Машинаен нөпытной мурт'ёс нуналлы быдэ вош'ясыкыса ужало. Мае возматэ сыçe уж? Машина чем дыр'я тйясыке, тупат'яны уг быгато. Соин сэрэн кутсаськемлэсь уно машина ужатэк тйясыкыса сьлэ. Али куинь нунал кутсаськытэк сьлэ ни. МТС-ысь кивалтисъёс кутсаськон доры ичи вуыло, вуыло ке но нөкыче юрттэт уг сето, частьсын обеспечить уг каро. Колхозлэн председателез Шкляев кутсаськонэн кивалтонэз самотеке лэзиз. «Жданов» колхозын но сыçe ик уж.

Нош кызы кивалтэ но конкретной юрттэт сөтэ Мувыр сельсовет колхоз'ёслы?

Кемалась ик öвёл, кутсаськонлэсь мынэмзэ тодон понна телефон пыр редакция звонить каре сельсоветэ. Редакция сельсоветлэн секретареныз Никитинэн герзаське.

—Кыçe уж'ёс кутсаськон лэсянь—юа редакция Никитинлэсь,—жоген-а быдэсмоз?

Никитин шуэ: кутсаськон урод мынэ.

—Малы?

—Уг тодйськы вель.

—Кин янгышез, урод ке кутсасько?

Шонерак вераны уг быгаты.

Кöня кутсамын ни быдэс сельсоветын?

—Сводкае öвёл, көня центнерзэ уг тодскы. Гектарен гинэ сводкае басытэмын.

Ма кароно, вай соку гектарен но коть тодом,—шуэ редакция Никитинлы. Я,—шуиз Никитин но сводказэ утчаны кутскиз. Кема гинэ дыр ортчиз но со ивортэ: сводкаме Поткин шкафаз пытсаса кельтэм.

Уно дыр ортчиз, нөкыче результат басытыны öз луы Никитинлэсь. Тани, тодмо луиз ни сельсоветлэн колхоз'ёсын «кивалтэмэз». Юнме соос сельсоветын пуко, безответственно быдэс'яло асьсэлэсь обязанностьсэс, кутсаськонэн кивалтонэз быдэсак самотеке лэзины, оперативной кивалтонлэсь палдуртскизы. Малпаны кулэ, что жöк сьöрын гинэ пукыса уж умой узмыны, азыланыз кызы ужа ны малпано луоз.

Бегашев.

## Редакцилы счетовод кулэ

«Шаркан коммуна» газетлэн редакциезлы жоген счетовод кулэ. Счетовод удмурт кылэз тöдыны кулэ.

Редакция.

## Ленинлэн нимыныз нимам Московской Военно-политической училище кутон условиос

РККА-лэн политуправлениез Ленинлэн нимыныз нимам Военно-политической училищелэн 1 но 2 курсысыз кутон ялэ.

1. Училище кутисъко военнотрудовой ВКП(б)-лэн член'ёсыз но кандидат'ёсыз, ВЛКСМ бюроклен отв. секретарь'ёсыз, комсорг'ёс, срочной но сверхсрочной службэлэн младшой командир'ёсыз но красноармеец'ёсыз, озы ик гражданданской организациосысь ВКП(б)-лэн член'ёсыз но кандидат'ёсыз.

2. 18 аресысен 25 аресозь арлыдо мурт'ёс, здоровизлэн состояниязь военной службылы ярано мурт'ёслыны кулэ.

3. Общеобразовательной подготовка—средней школаэн 6-7 класс'ёсызлэн об'емез'я. Кинлэн öвёл 7 классэз быдтэм сярисъ свидетельствозы, соослы зуч кылын, математикаен но географииен испытаниос луозы.

4. Дышетскон срок—2 ар. Училище дая Красной Армиилы политработник'ёсы. военной политической званне присвоить каре.

5. Заявлениос 15 сентябрьозь кутисъко.

Заявлениосты адресовать кароно: а) Военнослужащойеслы—командая яке непосредственно училищелэн начальникиезлэн нимаз таçe документ'ёсын:

1) автобиография но кадр'ёсты учитывать карон личной листок,  
2) кык фотокарточка,  
3) партыйной но служебной характеристикаос,  
4) политотделлэн начальникиезлэн заключениес.

б) Гражданской организациосысь мурт'ёслы—местной военкомат пыр яке непосредственно училище таçe документ'ёсын:

1) автобиография,  
2) ужан интыысь парторганизациен заверить карем анкета (анкеталэсь формазэ местной военкоматысь басытоно),

3) кык фотокарточка (9X12), голык йыр сниматся кариськем снимок'ёс,

4) кыçe арын вордскем сярисъ свидетельство.

5) здоровилэн состояниез сярисъ справка,

б) образование сярисъ свидетельство,

7) местной парторганизациослэн рекомендацизы.

6. Испытаниос дыр'я кандидат'ёс дунэк сионэн но общежитиен обеспечивать карисько,

7. Приемной испытание лэктон сярисъ училище нимысытыз ивортоз,

8. Военной училище кутэм кандидат'ёс зачислятся карисько РККА-лэн кадрз но обеспечиваться карисько денежной, вещевой, продуктовой но квартирной довольствиосын РККА-лэн нормаосыз'я.

Курсант'ёслэн семьяосылы квартира уг сөтисъкы. Гражданской организациосысь мурт'ёслы проездной документ басытоно местной военкоматысь, испытание лэктон сярисъ училищелэсь извещенизэ представить карыса.

Училищелэн адресэз: Москва, 71, почтовой ящик 4108, Ленинлэн нимыныз нимам Военно-политической училище.

Отв. Редактор П. АРИСТАРХОВ

Поттисъ РАЙСПОЛКОМ.